



FACULTY OF LIBERAL ARTS

FINAL EXAMINATION

Student ID (in Figures) :

--	--	--	--	--	--	--	--	--	--	--	--	--	--	--

Student ID (in Words) : _____

Course Code & Name : **MPU2212 BAHASA KEBANGSAAN A**
 Trimester & Year : September – December 2021
 Lecturer/Examiner : Normaizura Md Zain
 Duration : 2 Hours

INSTRUCTIONS TO CANDIDATES

1. This question paper consists of 2 parts:
 - PART A (30 marks) : 30 multiple choice questions. Answers are to be shaded in the Multiple Choice Answer Sheet provided.
 - PART B (70 marks) : SOALAN 1 – Kefahaman dan Tatabahasa
SOALAN 2 – Karangan (Pilih SATU (1) sahaja)
2. Candidates are not allowed to bring any unauthorized materials except writing equipment into the Examination Hall. Electronic dictionaries are strictly prohibited.
3. This question paper must be submitted along with all used and/or unused rough papers and/or graph paper (if any). Candidates are NOT allowed to take any examination materials out of the examination hall.
4. Only ballpoint pens are allowed to be used in answering the questions, with the exception of multiple choice questions, where 2B pencils are to be used.

WARNING: The University Examination Board (UEB) of BERJAYA University College regards cheating as a most serious offence and will not hesitate to mete out the appropriate punitive actions according to the severity of the offence committed, and in accordance with the clauses stipulated in the Students' Handbook, up to and including expulsion from BERJAYA University College.

Total Number of pages = 12 (Including the cover page)

BAHAGIAN B

SOALAN 1 : **SOALAN SUBJEKTIF (40 MARKAH)**

ARAHAN : Jawab semua soalan di bawah ini.

PEMAHAMAN TEKS (20 markah)

Petikan (i)

Baca petikan di bawah dengan teliti. Kemudian jawab soalan-soalan yang berikutnya.

Kesihatan amatlah penting untuk generasi muda terutamanya remaja. Namun begitu, masalah kesihatan seperti obesiti, dan diabetes dalam kalangan remaja hari ini **bukan jenaka** tetapi merupakan realiti kehidupan.

Kesihatan merupakan aset terpenting seseorang remaja. Seorang remaja yang sihat bukan sekadar bebas daripada penyakit tetapi sihat dari aspek fizikal, mental, emosi dan spiritualnya. Kunci penting dalam kesihatan adalah dengan mengetahui, melakukannya dan menyeimbangkan. Kaedah yang paling mudah bagi remaja untuk menjalani gaya hidup sihat adalah dengan mencari info tentang kesihatan dengan melayari laman sesawang, membaca buku dan bertanya dengan pakar kesihatan. Antara laman sesawang yang boleh dirujuk oleh remaja adalah melalui laman info sihat yang disediakan oleh Kementerian Kesihatan Malaysia. Remaja juga boleh bertanya sendiri hal kesihatan dengan pakar dalam bidang ini. Tindakan bertanya amat digalakkan sebelum remaja mencuba sendiri menjalani kehidupan sihat. Kes-kes menakutkan tentang remaja cuba berdiet dengan tidak seimbang kerana kluatir dengan masalah obesiti sering kali berlaku kerana tiadanya bimbingan serta rujukan daripada pakar kesihatan.

Kunci seterusnya untuk hidup secara sihat adalah dengan mengambil makanan yang berkhasiat. Remaja memerlukan lebih kandungan protein, karbohidrat, vitamin dan lemak dalam badan. Seterusnya, remaja perlu menekankan aspek penjagaan kebersihan diri. Hal ini bukan sahaja penting bagi memastikan badan remaja tidak berbau dan disenangi oleh orang lain, malahan bagi memastikan remaja tidak terdedah dengan sebarang punca penyakit, seperti bakteria bahaya, kutu dan kulat. Remaja perlu melakukan aktiviti bersenam untuk menjaga kesihatan. Jika minat menari, boleh juga menggunakan tarian sebagai salah satu senaman. Selain dapat mengisi masa lapang serta hidup dengan lebih sihat, remaja berpeluang mengasah bakat seni dalam diri remaja. Semuanya bermula dengan langkah pertama untuk mencuba.

Aktiviti sihat tidak hanya berfokus kepada senaman untuk fizikal semata-mata. Otak juga perlu menjalani kehidupan yang sihat. Sehubungan itu, remaja perlu menghindarkan diri daripada sebarang aktiviti negatif, seperti menagih dadah dan merokok kerana hal ini dapat membantu remaja menjadi lebih cerdas. Aktiviti lain yang perlu dilakukan oleh remaja untuk hidup lebih sihat ialah masa rehat yang cukup. Waktu rehat yang secukupnya dapat membantu remaja merehatkan badan selepas seharian melakukan pelbagai aktiviti. Dalam menjalani kehidupan yang sihat, keseimbangan dalam hidup adalah sangat penting. Pengambilan makanan seimbang mengikut piramid makanan merupakan satu cara yang perlu diikuti oleh remaja bagi memastikan remaja terhindar daripada sebarang penyakit.

Pendek kata, cara hidup sihat bukan sahaja dapat membantu remaja berfikir dengan lebih matang, tetapi dapat memberikan keyakinan diri dan daya kreativiti akan semakin bertambah.

(Dipetik dan diubahsuai daripada “Remaja Prihatin Remaja Sihat,” Dewan Siswa, September, 2011)

1. Apakah maksud rangkai kata **bukan jenaka**? **(2 markah)**
2. Berdasarkan petikan, berikan **EMPAT (4)** cara remaja menjalani gaya hidup sihat. **(4 markah)**
3. Pada pendapat anda, mengapakah remaja pada hari ini gemar mengambil makanan segera? **(4 markah)**

Petikan (ii)

Baca petikan cerpen di bawah dengan teliti. Kemudian jawab soalan-soalan yang berikut.

“Kenapa kakak katakan kasihan pada ayah? Adik lihat ayah tenang saja setiap kali pergi dan pulang dari kerja. Ayah sentiasa senyum.”

Sejenak Hazren memaparkan riak senang. Pandangnya tepat dan dalam pada mata Afwiyah. Cuba mengejar bayang senyuman yang masih bersinar pada wajah, “Senyuman kakak sama macam senyuman ayah.”

“Terima kasih adik. Kakak kasihan melihat ayah bertungkus lumus kerja siang dan malam. Ayah seorang menanggung kita berempat. Betapa besar pengorbanan ayah, dik. Setiap hari **bermandi peluh**. Segala-galanya untuk menanggung kehidupan ibu, adik dan kakak.”

Afwiyah membawa jauh menungannya. Mengimbas kehidupan awal di kampus. Pelbagai pengorbanan yang ayah hulurkan. Ayah menambah waktu kerja dengan mengambil upah menukang di rumah jiran pada sebelah petang. Pada hujung minggu, ayah memenuhi permintaan rakan-rakan dengan mengambil upah memotong rumput.

Malam pula, khususnya Jumaat yang berlangsungnya Pasar Minggu ayah mendapat tugas lebih masa dengan membersihkan kawasan jualan. Hidup ayah berterusan begini kerana masih ada beberapa tahun lagi Awfiyah menamatkan pengajiannya. Dalam kelangsungan hidup yang serba sederhana ini, Awfiyah tekad akan berusaha bersungguh-sungguh belajar kerana dengan pendidikan yang dihargainya sepenuh jiwa dapat mengubah gaya hidup mereka suatu masa nanti.

(dipetik dan diubah suai daripada cerpen ‘Senyum Ayah’ oleh Hasni Jamali, 2016)

1. Apakah yang dimaksudkan dengan ‘bermandi peluh’? **(2 markah)**
2. Berdasarkan petikan di atas, nyatakan **DUA (2)** pengorbanan yang dilakukan oleh ayah Awfiyah? **(2 markah)**
3. Berdasarkan keseluruhan cerpen ‘Senyum Ayah’, nyatakan **TIGA (3)** nilai murni berserta dengan contoh. **(6 markah)**

TATABAHASA (20 markah)

Bahagian ini mengandungi DUA (2) soalan WAJIB dijawab. Tuliskan jawapan anda di atas kertas jawapan yang disediakan.

a) Tulis ayat berdasarkan setiap perkataan di bawah ini supaya jelas menunjukkan maksud dan penggunaannya.

I. memicit (2 markah)

II. menumbuk (2 markah)

III. melenyek (2 markah)

IV. menganyam (2 markah)

V. menenun (2 markah)

(10 markah)

b) Dalam setiap ayat di bawah ini terdapat **satu kesalahan ejaan** dan **satu kesalahan imbuhan**. Tuliskan jawapan yang betul di kertas jawapan.

1. Rizal memcucuk ketulan daging satay dengan sebilah lidi daripada buluh.

Kesalahan ejaan : _____

Kesalahan imbuhan : _____

2. Penggusti itu sengaja mempamerkan tuboh sasanya sebelum terlawan.

Kesalahan ejaan : _____

Kesalahan imbuhan : _____

3. Adik sedang melipat kain yang mengambil dari ampayan.

Kesalahan ejaan : _____

Kesalahan imbuhan : _____

4. Pemeran ugut itu sengaja penghalang kami untuk mendapatkan uang.

Kesalahan ejaan : _____

Kesalahan imbuhan : _____

5. Samad dongakan untuk melihat peserta payung terjun itu terjun dari sebuah kapalterbang.

Kesalahan ejaan : _____

Kesalahan imbuhan : _____

(10 markah)

SOALAN 2 : SOALAN ESEI (30 MARKAH)

ARAHAN : Bahagian ini terdiri daripada **SATU (1)** bahagian yang wajib dijawab.

Tuliskan sebuah karangan dengan memilih **SATU (1)** daripada tajuk di bawah. Panjang karangan anda hendaklah **tidak kurang daripada 450 patah perkataan**.

SOALAN 1

Kemajuan sektor perkilangan telah menyebabkan pnceramaran alam sekitar. Bincangkan pendapat itu.

ATAU;

SOALAN 2

Semangat patriotik semakin luntur dalam kalangan masyarakat di negara kita. Berikan pendapat anda mengenai usaha-usaha untuk meningkatkan semangat patriotik dalam kalangan masyarakat di negara kita.

ATAU;

SOALAN 3

Jenayah terhadap kanak-kanak sering diperkatakan oleh masyarakat. Fenomena ini telah menjejaskan imej masyarakat Malaysia yang dikatakan penyayang dan bersopan santun. Bincangkan peranan yang wajar diambil bagi menangani masalah ini.

KERTAS PEPERIKSAAN TAMAT